



NEXT MAGAZINE

March 28, 2012

中環人語

遊花園介紹新盤

由

恒基、新世界同培新集團三方合作馬鞍山落禾沙新盤，將於下季登場。落禾沙哪邊？網上話係馬鞍山沙田以北，白石以南，烏溪沙青年新村以東，及樟木頭以西。考起！

發展商睇嚟唔介意大家唔知落禾沙哪邊。上個禮拜佢哋搞咗個項目命名儀式，首先包咗架旅遊巴，由金鐘載成班記者到深水灣香島道，落咗車再沿住一條叫麗海堤岸路嘅小徑行十幾分鐘落山，然後



恒基走到去淺水灣介紹馬鞍山之新盤，遊一輪花園目的就係展示面帆上之「迎海」二字。

再駁隻殘舊舊，唔知有無超載嘅小艇，去淺水灣對出嘅波洲（唔少後生過嘅壯男都對呢個洲有無限幻想）。上山下海，長途跋涉，去到發展商準備咗嘅觀遊艇。唔係學得咁富豪載優美去澳門咁載大家去梳乎嘴，而係扯開面帆，展示個新樓盤名「迎海」。

個盤明明係落禾沙，關緊波洲乜事？恒地營業部總經理林達民話，兩者都有雙海景啊！而「迎海」會望到星洲及渡頭灣兩邊海景。咁去現場睇唔得咩？得，但下個禮拜佢哋又會請晒班記者去北京，事關「迎海」未賣已經係北京贏咗個綠色環保獎咁講！遊咗咁多花園，究竟幾時至可以去落禾沙睇呢，又？

選委嘅聲

特

首選舉中聯辦操盤。有見於此，有票在手嘅選委行事都格外謹慎小心。過去同我哋有偈傾嘅選委更加受到唔少壓力，連手機都唔敢用。我哋搵佢，更千叮萬囑千祈千祈要用街外電話，以免俾人勾線。電話固然諸多禁忌，公司電郵更加萬萬用不得。搞到傾兩句都非要面對面講不可，但咁做又怕俾人見到，境況仲慘過舊時之極權國家。



沈嘉偉（左三）一家大細到溫哥華為IZZUE旗艦店剪綵，商場老闆譚馬士•馮（左二）幫手撐場。

沈嘉偉殺入溫哥華

港一千兩百名選委投票之時，IT時裝集團老細沈嘉偉一家，包括老婆邱淑貞及三個女，沈月、沈日、沈辰去咗溫哥華，此行又絕非玩樂而已。

原來沈老闆溫哥華投資咗一百萬加幣，嚟時代坊商場開咗北美第一間IZZUE時裝店，佢哋係去幫呢間旗艦店剪綵者。

呢間旗艦店係佢同時代坊老細譚馬士•馮永發合資者。為咗慶祝其事，馮太太Amy當晚下廚設家宴招呼沈老闆一家。咁梗係過癮

過嚟香港睇選舉啦！

中環人語

迷你版

“邊個人做特首
我都唔撤資。”

估中邊個中環人講呢句說話，

送你 IWATCH j-36 尊貴版
手錶一隻

有意參加者，請於四月二日

24:00 前將答案電郵 centralman@nextmedia.com

小宗只接受電郵，郵寄免問。

答案

“賊喊捉賊！”

梁振英

得獎者：K.Y. Lee

中獎時間：1:00pm 21/3/12

本刊員工及直系親屬不得參加。
為求公平及杜絕偷步搶答起見，請於星期三下午一時後
來電郵競猜答案；在此之前發出之電郵作廢。
超過一位讀者估中，先到先得，恕不接受上訴。
答案及中獎者姓名將於一二年四月五日本報揭曉。

今後狼政府加個鷹壹哥，言論空間
唔進一步大大收縮則幾稀矣。

centralman@nextmedia.com